

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-606/08
Sarajevo, 3.07.2008. godine

Z A P I S N I K

13. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 29. maja, 20. juna i 3. jula 2008. godine

Sjednica je počela u 11.07. nakon završetka 12. sjednice.

Sjednici je predsjedavao Stjepan Krešić, predsjedavajući Doma naroda Parlamenta Federacije BiH.

Prije prelaska na rad delegati su bez primjedbi, sa 48 glasova za i uz jedan uzdržani glas, usvojili Zapisnik 7. vanredne sjednice, održane 29. aprila 2008. godine.

Nakon toga predsjedavajući je podsjetio delegate da, na osnovu člana 104. Poslovnika o radu Doma naroda, mogu postavljati delegatska pitanja, pokretati inicijative ili izraziti nezadovoljstvo dobijenim odgovorima.

Delegatska pitanja i inicijative

Ramo Isak izrazio je nezadovoljstvo dobijenim odgovorom od Federalnog ministarstva unutrašnjih poslova, te ga je ponovio, a u vezi je sa poštivanjem Zakona o zaštitarskim agencijama na području Zeničko-dobojskog kantona.

Muhamed Osmić izrazio je nezadovoljstvo dobijenim odgovorom od Federalnog ministarstva pravde u vezi sa potvrđivanjem Odluke Visokog predstavnika o integraciji općine Žepče i ponovo upitao da li ovaj Zakon treba potvrđivati Parlament Federacije.

Zaim Imamović izrazio je nezadovoljstvo dobijenim odgovorom od Federalnog ministarstva prometa i komunikacija u vezi sa radom tehničkih stanica pa ga je ponovio.

Elvira Abdić-Jelenović Agenciji za privatizaciju u Federaciji BiH u pisanoj formi postavila je pitanje u vezi sa prodajom poslovnog prostora "Agrokomerc d.d." Velika Kladuša u Zagrebu i da li su Agencija za privatizaciju i federalni pravobranilac pokrenuli postupak naplate potraživanja, koja "Agrokomerc d.d." Velika Kladuša ima u privredi Republike Hrvatske. Upitala je i koja i kolika potraživanja "Agrokomerca" se nalaze u pasivnom podbilansu.

Mislav Sučić postavio je pitanje koliki je iznos najma koji godišnje plaćaju federalne institucije, kome ga plaćaju i u kojem gradu im je sjedište.

Slobodan Zivlak Baća postavio je pitanje u pisanoj formi Federalnom ministarstvu poljoprivrede, vodoprivrede i šumarstva vezano za kapitalne projekte koji su dostavljeni iz općine Drvar.

Radoje Vidović postavio je dva pitanja.

Prvo pitanje postavio je Federalnom ministarstvu obrazovanja i nauke u vezi sa utroškom sredstava za besplatnu podjelu udžbenika za narednu školsku godinu i da li je postignut dogovor sa kantonalnim ministarstvima, tj. da li se poštuje ustavna nadležnost koja se odnosi na školstvo.

Drugo pitanje postavio je Kolegiju Domu naroda u vezi sa kašnjenjem početka sjednica Doma naroda.

Kenan Keserović postavio je dva pitanja u pisanoj formi Federalnom ministarstvu zdravstva.

Prvo je vezano za postojanje programa suzbijanja ovisnosti od pušenja i alkoholizma naročito u odnosu na mlade.

Drugo pitanje vezano je za unapređenje školske medicine u Federaciji BiH.

Mira Ljubijankić nije pročitala svoja dva pitanja zbog neprisustva premijera Nedžada Brankovića, kojem su pitanja trebala biti upućena, već ih je priložila u pisanoj formi.

Mladen Lonić je u pisanoj formi postavio pitanje Ministarstvu za ljudska prava i izbjeglice Bosne i Hercegovine u vezi sa Odlukom o raspodjeli sredstava po općinama.

Besim Imamović postavio je tri pitanja.

Prvo pitanje postavio je Federalnom ministarstvu poljoprivrede, vodoprivrede i šumarstva u vezi sa poništavanjem javnih konkursa koji se odnose na ovo Ministarstvo.

Drugo pitanje postavio je Vladi Federacije u vezi sa kontrolom emitovanih prava iz oblasti socijalnih prava i boračke zaštite.

Treće pitanje postavio je Federalnom ministarstvu finansija u vezi sa formulom koja se koristi za raspodjelu javnih prihoda u Federaciji BiH.

Muhamed Osmić postavio je tri pitanja.

Prvo pitanje upućeno je Federalnoj direkciji cesta u vezi sa rješavanjem problema na sjevernom ulazu u Maglaj.

Drugo pitanje vezano je za rješavanje problema na putu M17 u Kosovi, tj. zašto se ne pristupa gradnji raskrsnice.

Treće pitanje upućeno je Federalnom ministarstvu prometa i komunikacija u vezi sa Izvještajem o radu i Finansijskim izvještajem Direkcije cesta Federacije BiH.

Potom se prešlo na utvrđivanje dnevnog reda.

Predsjedavajući je obavijestio delegate da je Vlada Federacije dostavila sljedeće prijedloge zakona sa prijedlogom da se razmatraju po hitnom postupku i to:

- Prijedlog Zakona o izmjenama i dopunama Zakona o početnom bilansu stanja preduzeća i banaka,
- Prijedlog Zakona o izmjenama i dopunama Zakona o vještacima,
- Prijedlog Zakona o izmjenama i dopunama Zakona o policijskim službenicima Federacije BiH,
- Prijedlog Zakona o izmjenama i dopunama Zakona o javnim preduzećima u Federaciji BiH,
- Prijedlog Zakona o izmjenama i dopunama Zakona o privrednim društvima.

Kolegij Doma naroda predložio je da se Prijedlog Zakona o izmjenama i dopunama Zakona o policijskim službenicima Federacije BiH, Prijedlog Zakona o izmjenama i dopunama Zakona o javnim preduzećima u Federaciji BiH i Prijedlog Zakona o izmjenama i dopunama Zakona o privrednim društvima razmatraju u formi nacrt, s obzirom na to da ih je Predstavnički dom tako razmatrao.

Delegati su prihvatili ovaj prijedlog Kolegija.

Sa 37 glasova za, uz jedan glas protiv i uz tri uzdržana glasa, Dom naroda je prihvatio da se Prijedlog Zakona o izmjenama i dopunama Zakona o početnom bilansu stanja preduzeća i banaka razmatra po hitnom postupku.

Sa 38 glasova za i uz tri uzdržana glasa, Dom naroda je prihvatio da se Prijedlog Zakona o izmjenama i dopunama Zakona o vještacima razmatra po hitnom postupku.

Klub zastupnika SDA u Predstavničkom domu dostavio je Prijedlog Zakona o izmjenama i dopunama Zakona o privatizaciji preduzeća s prijedlogom da se, također, razmatra po hitnom postupku.

Na osnovu rezultata glasanja, predsjedavajući je konstatovao da Dom naroda nije prihvatio da se Prijedlog Zakona o izmjenama i dopunama Zakona o privatizaciji preduzeća razmatra po hitnom postupku, jer je za glasalo 14 delegata, 20 je bilo protiv, a sedam je bilo uzdržano. Prema tome Zakon će se razmatrati u formi nacrt Zakona.

Kolegij Doma naroda je, uz dva glasa protiv, predložio da se u dnevni red kao 21. tačka dnevnog reda uvrsti Nacrt Zakona o finansijskoj konsolidaciji rudnika uglja u Federaciji BiH prema obračunatim, a neplaćenim javnim prihodima u periodu od 2009. do 2015. godine.

U vezi sa ovim prijedlogom razvila se diskusija u kojoj su učestvovali: Josip Perić, predsjednik Kluba delegata hrvatskog naroda, Besim Imamović, Tomo Vidović, Asim Mekić, Elvira Abdić-Jelenović, Ivo Komšić, federalni ministar energije, rudarstva i industrije Vahid Hećo i Alija Begović.

Na osnovu rezultata glasanja, predsjedavajući je konstatovao da je Dom naroda, sa 35 glasova za i uz sedam uzdržanih glasova, prihvatio da se Nacrt Zakona o finansijskoj konsolidaciji rudnika uglja u Federaciji BiH prema obračunatim, a neplaćenim javnim prihodima u periodu od 2009. do 2015. godine uvrsti kao 16. tačka dnevnog reda.

Također, Dom naroda Parlamenta Federacije BiH je većinom glasova (jedan uzdržani glas) usvojio sljedeći:

ZAKLJUČAK

Zadužuje se Vlada Federacije BiH da u roku od 30 dana pripremi Nacrt Zakona o konsolidaciji preduzeća i ustanova u državnom vlasništvu, koji se nalaze u istoj ili sličnoj situaciji kao i rudnici, te ga dostavi u parlamentarnu proceduru, radi razmatranja na tematskoj sjednici Doma naroda Parlamenta Federacije BiH.

Budući da je Elvira Abdić-Jelenović predložila da se Nacrt Zakona o izmjenama i dopunama Zakona o privatizaciji preduzeća, koji je predložio Klub zastupnika SDA u Predstavničkom domu, skine sa dnevnog reda, predsjedavajući ga je dao na glasanje i konstatovao da nije dobio potrebnu većinu glasova.

Predsjedavajući je, također, obavijestio delegate da je Kolegij Doma naroda predložio da se Prijedlog Programa rada Doma naroda skine sa dnevnog reda sjednice i razmatra na narednoj sjednici, jer primjedbe i prijedlozi sa 12. sjednice nisu još ugrađeni u Prijedlog Programa rada, s obzirom na kratak razmak održavanja između završetka 12. sjednice i 13. sjednice.

Delegati su prihvatili ovaj prijedlog Kolegija Doma naroda.

Potom se prešlo na glasanje o predloženom dnevnom redu.

Sa 33 glasa za, uz dva glasa protiv i uz sedam uzdržanih glasova, usvojen je sljedeći:

DNEVNI RED

1. Nacrt Zakona o izmjenama i dopunama Zakona o privatizaciji preduzeća (predlagač: Klub zastupnika SDA u Predstavničkom domu);
2. Prijedlog Zakona o izmjenama i dopunama Zakona o početnom bilansu stanja preduzeća i banaka – hitni postupak;
3. Prijedlog Zakona o izmjenama i dopunama Zakona o vještacima – hitni postupak;
4. Nacrt Zakona o izmjenama i dopunama Zakona o policijskim službenicima Federacije BiH;

5. Nacrt Zakona o izmjenama i dopunama Zakona o javnim preduzećima u Federaciji BiH;
6. Nacrt Zakona o izmjenama i dopunama Zakona o privrednim društvima;
7. Prijedlog Zakona o Razvojnoj banci Federacije BiH;
8. Prijedlog Zakona o Nacionalnom parku "Una";
9. Nacrt Zakona o izmjenama i dopunama Zakona o zapošljavanju stranaca;
10. Nacrt Zakona o veterinarstvu u Federaciji BiH;
11. Nacrt Zakona o sigurnosti i zdravlju na radu;
12. Nacrt Zakona o tržištu vrijednosnih papira;
13. Nacrt Zakona o geološkim istraživanjima Federacije BiH;
14. Nacrt Zakona o rudarstvu Federacije BiH;
15. Nacrt Strateškog plana i programa razvoja energetskog sektora Federacije BiH;
16. Nacrt Zakona o finansijskoj konsolidaciji rudnika uglja u Federaciji BiH prema obračunatim, a neplaćenim javnim prihodima u periodu od 2009. do 2015. godine;
17. a) Odluka o davanju saglasnosti za prihvatanje kreditnog zaduženja na osnovu Ugovora o finansiranju između Bosne i Hercegovine i Federacije BiH i Evropske investicione banke (EIB) za finansiranje Projekta vodovod i kanalizacija u Federaciji BiH,
b) Odluka o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije BiH za kredit Evropske investicione banke (EIB) za Projekt vodovod i kanalizacija u Federaciji BiH,
c) Informacija o kreditu Evropske investicione banke (EIB) za Projekt vodovod i kanalizacija u Federaciji BiH;
18. Odluka o visini naknade za rad članova upravnih odbora federalnih zdravstvenih ustanova;
19. Informacija o ostvarenim i raspoređenim javnim prihodima sa tabelarnim pregledom za period januar – decembar 2007. godine;
20. Izvještaj o radu Komisije za vrijednosne papire Federacije BiH za 2007. godinu i Finansijski plan Komisije za vrijednosne papire Federacije BiH za 2008. godinu sa Programom rada za 2008. godinu.

1. Nacrt Zakona o izmjenama i dopunama Zakona o privatizaciji preduzeća

Zakon je u formi Prijedloga predložio Klub zastupnika SDA u Predstavničkom domu.

U prethodnom postupku Dom naroda je odlučio da Zakon razmatra u formi nacрта Zakona.

Predstavnički dom je na nastavku 11. sjednice od 28.03.2008. godine usvojio Zakon u formi prijedloga Zakona u tekstu predlagača. Tom prilikom je usvojio Zaključke Odbora za denacionalizaciju i privatizaciju Predstavničkog doma.

Zakon su u formi prijedloga razmatrala nadležna radna tijela i dostavila svoje izvještaje.

Zakon je obrazložio Ibrahim Nadarević, predsjednik Klub zastupnika SDA u Predstavničkom domu.

U pretresu su učestvovali: Mislav Sučić, Elvira Abdić-Jelenović, Igor Rajner, Besim Imamović, Muhamed Osmić, Ramo Isak i Ibrahim Nadarević.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 40 glasova za, uz jedan glas protiv i uz dva uzdržana glasa, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o izmjenama i dopunama Zakona o privatizaciji preduzeća i smatra da može poslužiti kao osnova za izradu prijedloga Zakona.
2. Zadužuje se predlagač da uputi na javnu raspravu Nacrt Zakona o izmjenama i dopunama Zakona o privatizaciji preduzeća koja će trajati 60 dana.
3. Zadužuje se predlagač Zakona da prilikom izrade prijedloga Zakona ima u vidu prijedloge, primjedbe i sugestije iznesene na sjednici i u javnoj raspravi.

2. Prijedlog Zakona o izmjenama i dopunama Zakona o početnom bilansu stanja preduzeća i banaka

Prijedlog Zakona utvrdila je Vlada Federacije.

Predstavnički dom je na 12. sjednici od 06.05.2008. godine usvojio Prijedlog Zakona sa amandmanom Vlade Federacije koji se odnosi na član 3. stav 2. Prijedloga Zakona.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je predstavnik Vlade Federacije.

U pretresu nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno sa 43 glasa usvojio Prijedlog Zakona o izmjenama i dopunama Zakona o početnom bilansu stanja preduzeća i banaka.

3. Prijedlog Zakona o izmjenama i dopunama Zakona o vještacima

Prijedlog Zakona utvrdila je Vlada Federacije.

Predstavnički dom je na 12. sjednici od 06.05.2008. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložili su Feliks Vidović, federalni ministar pravde, i Anto Čavar, član Komisije za imenovanje vještaka.

Na Prijedlog Zakona amandman, koji se odnosi na dodavanje novog stava u članu 1., zajedno su podnijeli Nikola Simić i Asim Mekić.

U pretresu su učestvovali: Denis Zvizdić, Igor Rajner, Nikola Simić, Asim Mekić, Tomo Vidović, Anto Čavar i ministar Feliks Vidović.

Nakon pretresa, Nikola Simić i Asim Mekić su izjavili da odustaju od amandmana.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH sa 40 glasova za, uz jedan glas protiv i uz dva uzdržana glasa, usvojio Prijedlog Zakona o izmjenama i dopunama Zakona o vještacima.

4. Nacrt Zakona o izmjenama i dopunama Zakona o policijskim službenicima Federacije BiH

Zakon je u formi prijedloga Zakona utvrdila Vlada Federacije.

U prethodnom postupku Dom naroda je odlučio da Zakon razmatra u formi nacrta Zakona.

Predstavnički dom je na nastavku 11. sjednice od 28.03.2008. godine razmatrao Zakon, također, u formi nacrtu i Zaključkom ga prihvatio.

Zakon su u formi prijedloga Zakona razmatrala nadležna radna tijela i dostavila svoje izvještaje.

Zakon je obrazložio Muhidin Alić, federalni ministar unutrašnjih poslova.

U pretresu su učestvovali: Tomo Vidović, Ramo Isak, ministar Muhidin Alić, Fahrudin Skopljak, Josip Perić, Radoje Vidović, Besim Imamović i Nikola Simić.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH sa 32 glasa za i uz šest uzdržanih glasova, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o izmjenama i dopunama Zakona o policijskim službenicima Federacije BiH i smatra da može poslužiti kao osnova za izradu prijedloga Zakona.
2. Zadužuje se Vlada Federacije BiH da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

5. Nacrt Zakona o izmjenama i dopunama Zakona o javnim preduzećima u Federaciji BiH

Zakon je u formi prijedloga Zakona utvrdila Vlada Federacije.

U prethodnom postupku Dom naroda je odlučio da Zakon razmatra u formi nacrtu Zakona.

Predstavnički dom je na nastavku 11. sjednice od 28.03.2008. godine razmatrao Zakon, također, u formi nacrtu i Zaključkom ga prihvatio.

Zakon su u formi prijedloga Zakona razmatrala nadležna radna tijela dostavila svoje izvještaje.

Zakon je obrazložila Jasmina Pašić, predstavnik Federalnog ministarstva energije, rudarstva i industrije.

U pretresu je učestvovao Igor Rajner.

Na osnovu rezultata glasanja, potpredsjedavajući Besim Imamović, koji je tada predsjedavao sjednicom, konstatovao je da je Dom naroda Parlamenta Federacije BiH, sa 44 glasa, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o izmjenama i dopunama Zakona o javnim preduzećima u Federaciji BiH i smatra da može poslužiti kao osnova za izradu prijedloga Zakona.
2. Zadužuje se Vlada Federacije BiH da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

6. Nacrt Zakona o izmjenama i dopunama Zakona o privrednim društvima

Zakon je u formi prijedloga Zakona utvrdila Vlada Federacije.

U prethodnom postupku Dom naroda je odlučio da Zakon razmatra u formi nacrtu Zakona.

Predstavnički dom je na nastavku 11. sjednice od 28.03.2008. godine razmatrao Zakon, također, u formi nacrtu i Zaključkom ga prihvatio.

Zakon su u formi prijedloga Zakona razmatrala nadležna radna tijela i dostavila svoje izvještaje.

Zakon je obrazložila Jasmina Pašić, predstavnica Federalnog ministarstva energije, rudarstva i industrije.

U pretresu je učestvovao Igor Rajner.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH sa 34 glasa za, uz pet glasova protiv i uz četiri uzdržana glasa, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o izmjenama i dopunama Zakona o privrednim društvima i smatra da može poslužiti kao osnova za izradu prijedloga Zakona.
2. Zadužuje se Vlada Federacije BiH da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

7. Prijedlog Zakona o Razvojnoj banci Federacije BiH

Prijedlog Zakona utvrdila je Vlada Federacije.

Predstavnički dom je na 12. sjednici od 06.05.2008. godine usvojio Prijedlog Zakona sa dvije tehničke primjedbe, koje se odnose na čl. 3. i 15. Prijedloga Zakona i amandmanom na član 4., koji je Vlada Federacije prihvatila pa je postao sastavni dio Prijedloga Zakona.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Filip Vujević, savjetnik federalnog ministra finansija.

U pretresu su učestvovali Igor Rajner, Denis Zvizdić i Filip Vujević.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH sa 34 glasa za, uz pet glasova protiv i uz četiri uzdržana glasa, usvojio Prijedlog Zakona o Razvojnoj banci Federacije BiH.

8. Prijedlog Zakona o Nacionalnom parku “Una”

Prijedlog Zakona utvrdila je Vlada Federacije.

Predstavnički dom je na 12. sjednici od 06.05.2008. godine usvojio Prijedlog Zakona u tekstu kako ga je predložila Vlada Federacije. Tom prilikom Predstavnički dom je usvojio i Zaključak.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Mehmed Cero, pomoćnik federalnog ministra turizma i okoliša.

U pretresu je učestvovala Mira Ljubijankić.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH sa 37 glasova za i uz jedan glas protiv, usvojio Prijedlog Zakona o Nacionalnom parku “Una”.

9. Nacrt Zakona o izmjenama i dopunama Zakona o zapošljavanju stranaca

Nacrt Zakona utvrdila je Vlada Federacije.

Predstavnički dom je na nastavku 11. sjednice od 28.03.2008. godine razmatrao Zakon i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je predstavnik Vlade Federacije.

U pretresu su učestvovali: Snježana Milavić, Denis Zvizdić i predsjednik Odbora za boračka i invalidska pitanja, rad, zdravstvenu i socijalnu zaštitu Fahrudin Skopljak, koji je predložio da Dom naroda donese Zaključak.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno sa 32 glasa usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o izmjenama i dopunama Zakona o zapošljavanju stranaca i smatra da može poslužiti kao osnova za izradu prijedloga Zakona.
2. Zadužuje se Vlada Federacije BiH da prilikom izrade prijedloga Zakona ima u vidu prijedloge, primjedbe i sugestije iznesene na sjednici.
3. Dom naroda Parlamenta Federacije BiH preporučuje Parlamentarnoj skupštini Bosne i Hercegovine da se pitanje boravka i zapošljavanja stranaca regulira na nivou države.

10. Nacrt Zakona o veterinarstvu u Federaciji BiH

Nacrt Zakona utvrdila je Vlada Federacije.

Predstavnički dom je na 12. sjednici od 06.05.2008. godine razmatrao Zakon i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložila je Nada Rajković, pomoćnica federalnog ministra poljoprivrede, vodoprivrede i šumarstva.

U pretresu su učestvovali: Tomo Vidović, Asim Mekić, Nikola Simić, Josip Perić. U pretresu su također učestvovali i Elvira Abdić-Jelenović i Alija Begović i predložili zaključke.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o veterinarstvu u Federaciji BiH i smatra da može poslužiti kao osnova za izradu prijedloga Zakona.
2. Zadužuje se Vlada Federacije BiH da Nacrt Zakona o veterinarstvu u Federaciji BiH uputi na javnu raspravu u koju će se obavezno uključiti i Veterinarska komora Federacije BiH.
3. Zadužuje se Vlada Federacije BiH da prilikom izrade prijedloga Zakona ima u vidu prijedloge, primjedbe i sugestije iznesene na sjednici i u javnoj raspravi.
4. Zadužuje se Vlada Federacije BiH da hitno dostavi u parlamentarnu proceduru Zakon o inspekcijama u Federaciji BiH.

Sjednica je prekinuta u 17.10.

NASTAVAK SJEDNICE OD 20. JUNA 2008. GODINE

Sjednica je počela u 10.25.

Sjednici je predsjedavao Stjepan Krešić, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio: delegate, zamjenika premijera Gavrila Grahovca, ministre u Vladi Federacije BiH, predstavnike Sindikata rudara, predstavnike elektroprivreda, predstavnike udruženja, međunarodnih organizacija, goste i predstavnike akreditiranih medijskih kuća koji prate rad sjednice.

Na osnovu evidencije Stručne službe, predsjedavajući je konstatovao da sjednici prisustvuje 40 delegata, što čini većinu, te Dom naroda može raditi i punovažno odlučivati.

Izostanak sa sjednice opravdali su Jasenko Tufekčić, Edina Papo i Igor Rajner.

Predsjedavajući je podsjetio delegate na preostale tačke dnevnog reda, te prešao na rad.

11. Nacrt Zakona o sigurnosti i zdravlju na radu

Nacrt Zakona utvrdila je Vlada Federacije.

Predstavnički dom je na 12. sjednici od 06.05.2008. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložila je Džana Kadribegović, pomoćnica federalnog ministra rada i socijalne politike.

U pretresu je učestvovao Emir Frašto.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno, sa 45 glasova, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o sigurnosti i zdravlju na radu i smatra da može poslužiti kao osnova za izradu prijedloga Zakona.
2. Zadužuje se Vlada Federacije BiH da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

12. Nacrt Zakona o tržištu vrijednosnih papira

Nacrt Zakona utvrdila je Vlada Federacije.

Predstavnički dom je na 12. sjednici od 06.05.2008. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je Enver Trepčić, pomoćnik federalnog ministra finansija.

U pretresu nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno, sa 45 glasova, usvojio sljedeći:

ZAKLJUČAK

Dom naroda Parlamenta Federacije BiH prihvata Nacrt Zakona o tržištu vrijednosnih papira i smatra da može poslužiti kao osnova za izradu prijedloga Zakona.

13. Nacrt Zakona o geološkim istraživanjima Federacije BiH

Nacrt Zakona utvrdila je Vlada Federacije.

Predstavnički dom je na nastavku 12. sjednice od 07.05.2008. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložila je Begajeta Habeta, predstavnik Federalnog ministarstva energije, rudarstva i industrije.

U pretresu su učestvovali predsjednik Kluba delegata hrvatskog naroda Josip Perić, Besim Imamović i Begajeta Habeta.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 33 glasa za i uz tri uzdržana glasa, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o geološkim istraživanjima Federacije BiH i smatra da može poslužiti kao osnova za izradu prijedloga Zakona.
2. Zadužuje se Vlada Federacije BiH da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

14. Nacrt Zakona o rudarstvu Federacije BiH

Nacrt Zakona utvrdila je Vlada Federacije.

Predstavnički dom je na nastavku 12. sjednice od 07.05.2008. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je Stjepan Mijačić, predstavnik Federalnog ministarstva energije, rudarstva i industrije.

U pretresu su učestvovali: Mislav Sučić, Tomo Vidović, Besim Imamović i Sead Čaušević.

Na osnovu rezultata pojedinačnog glasanja koje je obavio Izmir Hadžićević, sekretar Doma naroda, predsjedavajući je konstatovao da je

Dom naroda Parlamenta Federacije BiH, sa 35 glasova za i uz tri uzdržana glasa, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o rudarstvu Federacije BiH i smatra da može poslužiti kao osnova za izradu prijedloga Zakona.
2. Zadužuje se Vlada Federacije BiH da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

Predsjedavajući je na molbu federalnog ministra energije, rudarstva i industrije predložio da se pređe na 16. tačku dnevnog reda, s obzirom na to da 15. tačka zahtijeva dužu prezentaciju. Također, predložio je da se obavi rasprava o preostalim tačkama dnevnog reda a da se izjašnjavanje obavi nakon rasprave.

Delegati su prihvatili ove prijedloge.

16. Nacrt Zakona o finansijskoj konsolidaciji rudnika uglja u Federaciji BiH prema obračunatim, a neuplaćenim javnim prihodima u periodu od 2009. do 2015. godine

Nacrt Zakona utvrdila je Vlada Federacije.

Predstavnički dom je na nastavku 11. sjednice od 28.03.2008. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je Vahid Hećo, federalni ministar energije, rudarstva i industrije.

U pretresu su učestvovali: Elvira Abdić-Jelenović, predsjednica Kluba delegata hrvatskog naroda, Josip Perić, Besim Imamović, Tomo Vidović, Svetozar Pudarić, Asim Mekić, Mislav Sučić, Lidija Bradara, Muhamed Osmić i predsjednik Sindikata rudara Federacije BiH Fikret Suljić.

15. Nacrt Strateškog plana i programa razvoja energetskog sektora Federacije BiH

Nacrt Strateškog plana utvrdila je Vlada Federacije.

Predstavnički dom je na nastavku 11. sjednice od 28.03.2008. godine razmatrao Nacrt Plana i Zaključkom ga prihvatio, te je predložio Vladi Federacije da u periodu od dva mjeseca organizira javnu i stručno-naučnu raspravu s ciljem da se dobiju sugestije i prijedlozi za doradu ovog dokumenta.

Nacrt Plana razmatrala su nadležna radna tijela i dostavila svoje izvještaje.

Nacrt Plana obrazložili su predstavnici Vlade Federacije: Hilmo Šehović, dr. Bašić, Srećko Vučina, Semin Fetović, Aleksandar Knežević, Elvir Čizmić i Izet Smajlović.

U raspravi su učestvovali: predsjednica Kluba delegata srpskog naroda Mira Ljubijankić, federalni ministar energije, rudarstva i industrije, Vahid Hećo, Svetozar Pudarić, predsjednik Kluba delegata bošnjačkog naroda, Alija Begović, Radoje Vidović, Besim Spahić, Sead Čaušević, Besim Imamović, Denis Zvizdić, Asim Mekić, Lidija Bradara, Zaim Imamović Kaze, Mislav Sučić, Muharem Serbezovski i predstavnici Vlade Federacije.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 30 glasova za, uz dva glasa protiv i uz 10 uzdržanih glasova, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Strateškog plana i programa razvoja energetskog sektora Federacije BiH i smatra da može poslužiti kao osnova za izradu prijedloga Strateškog plana i programa.
2. Zadužuje se Vlada Federacije BiH da prilikom izrade prijedloga Strateškog plana i programa ima u vidu prijedloge, primjedbe i sugestije iznesene na sjednici.

Potom se prešlo na izjašnjavanje o **Nacrtu Zakona o finansijskoj konsolidaciji rudnika uglja u Federaciji BiH prema obračunatim, a neuplaćenim javnim prihodima u periodu od 2009. do 2015. godine.**

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 32 glasa za, uz sedam glasova protiv i uz dva uzdržana glasa, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o finansijskoj konsolidaciji rudnika uglja u Federaciji BiH prema

obračunatim, a neuplaćenim javnim prihodima u periodu od 2009. do 2015. godine i smatra da može poslužiti kao osnova za izradu prijedloga Zakona.

2. Zadužuje se Vlada Federacije BiH da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

Sjednica je prekinuta u 16.09.

NASTAVAK SJEDNICE OD 3. JULA 2008. GODINE

Sjednica je počela u 10.16.

Sjednici je predsjedavao Stjepan Krešić, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio: delegate, potpredsjednicu Federacije BiH Spomenku Mičić, zamjenika premijera Gavрила Grahovca, ministre u Vladi Federacije BiH, goste i predstavnike akreditiranih medijskih kuća koji prate rad sjednice.

Na osnovu evidencije Stručne službe, predsjedavajući je konstatovao da sjednici prisustvuje 44 delegata, što čini većinu, te Dom naroda može raditi i punovažno odlučivati.

Izostanak sa sjednice opravdali su Jasenko Tufekčić, Bojan Bošnjak, Muharem Serbezovski i Daliborka Milović.

Predsjedavajući je podsjetio delegate na preostale tačke dnevnog reda, te prešao na rad.

17. a) **Odluka o davanju saglasnosti za prihvatanje kreditnog zaduženja na osnovu Ugovora o finansiranju između Bosne i Hercegovine i Federacije BiH i Evropske investicione banke (EIB) za finansiranje Projekta vodovod i kanalizacija u Federaciji BiH,**
- b) **Odluka o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije BiH za kredit Evropske investicione banke (EIB) za Projekt vodovod i kanalizacija u Federaciji BiH,**
- c) **Informacija o kreditu Evropske investicione banke (EIB) za Projekt vodovod i kanalizacija u Federaciji BiH**

Odluke je donijela Vlada Federacije i dostavila ih Parlamentu Federacije radi razmatranja i odobrenja.

Predstavnički dom je na nastavku 11. sjednice od 8.04.2008. godine odobrio ove odluke.

Odluke su razmatrala nadležna radna tijela i dostavila svoje izvještaje.

Odluke je obrazložio Enver Trepčić, pomoćnik federalnog ministra finansija.

Predsjedavajući je predložio da se o odlukama vodi zajednička rasprava a izjašnjavanje obavi pojedinačno, što su delegati prihvatili.

U raspravi nije niko učestvovao.

Potom se prešlo na glasanje o odlukama.

a) Odluka o davanju saglasnosti za prihvatanje kreditnog zaduženja na osnovu Ugovora o finansiranju između Bosne i Hercegovine i Federacije BiH i Evropske investicione banke (EIB) za finansiranje Projekta vodovod i kanalizacija u Federaciji BiH

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 43 glasa za i uz tri uzdržana glasa, odobrio Odluku o davanju saglasnosti za prihvatanje kreditnog zaduženja na osnovu Ugovora o finansiranju između Bosne i Hercegovine i Federacije BiH i Evropske investicione banke (EIB) za finansiranje Projekta vodovod i kanalizacija u Federaciji BiH.

b) Odluka o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije BiH za kredit Evropske investicione banke (EIB) za Projekt vodovod i kanalizacija u Federaciji BiH

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 42 glasa za i uz četiri uzdržana glasa, odobrio Odluku o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije BiH za kredit Evropske investicione banke (EIB) za Projekt vodovod i kanalizacija u Federaciji BiH.

c) Informacija o kreditu Evropske investicione banke (EIB) za Projekt vodovod i kanalizacija u Federaciji BiH

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno, sa 42 glasa za i četiri uzdržana glasa, usvojio sljedeći:

ZAKLJUČAK

Dom naroda Parlamenta Federacije BiH prima na znanje Informaciju o kreditu Evropske investicione banke (EIB) za Projekt vodovod i kanalizacija u Federaciji BiH.

18. Odluka o visini naknade za rad članova upravnih odbora federalnih zdravstvenih ustanova

Ovu odluku utvrdila je Vlada Federacije i dostavila Parlamentu Federacije radi razmatranja i donošenja.

Predstavnički dom je na nastavku 10. sjednice od 27. 3. 2008. godine donio ovu odluku uz Amandman koji se odnosi na član 6. kojeg je Vlada Federacije prihvatila, pa je postao sastavni dio Prijedloga odluke.

Odluku su razmatrala nadležna radna tijela, koja su dostavila svoje izvještaje.

U raspravi je učestvovao Kenan Keserović.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH **nije donio** Odluku o visini naknade za rad članova upravnih odbora federalnih zdravstvenih ustanova, jer Odluka nije dobila potreban broj glasova (za su glasala 24 delegata, devet delegata je bilo protiv, a šest uzdržanih).

19. Informacija o ostvarenim i raspoređenim javnim prihodima sa tabelarnim pregledom za period januar – decembar 2007. godine

Informaciju je utvrdila Vlada Federacije.

Predstavnički dom je na nastavku 11. sjednice od 8. 4. 2008. godine razmatrao ovu Informaciju i primio je na znanje.

Informaciju su razmatrala nadležna radna tijela, koja su dostavila svoje izvještaje.

Informaciju je obrazložio Enver Trepčić, pomoćnik federalnog ministra finansija.

U raspravi je učestvovao Besim Imamović.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH sa 36 glasova za, osam glasova

protiv i dva uzdržana glasa primio na znanje Informaciju o ostvarenim i raspoređenim javnim prihodima sa tabelarnim pregledom za period januar – decembar 2007. godine.

20. Izvještaj o radu Komisije za vrijednosne papire Federacije BiH za 2007. godinu i Finansijski plan Komisije za vrijednosne papire Federacije BiH za 2008. godinu sa Programom rada za 2008. godinu

a) Izvještaj o radu Komisije za vrijednosne papire Federacije BiH za 2007. godinu

Komisija za vrijednosne papire Federacije Bosne i Hercegovine je dostavila Parlamentu Federacije na razmatranje Izvještaj o radu Komisije za vrijednosne papire Federacije BiH za 2007. godinu.

Predstavnički dom je na nastavku 11. sjednice od 8. 4. 2008. godine prihvatio ovaj Izvještaj.

Izvještaj su razmatrala nadležna radna tijela, koja su dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno prihvatio Izvještaj o radu Komisije za vrijednosne papire Federacije BiH za 2007. godinu.

b) Finansijski plan Komisije za vrijednosne papire Federacije BiH za 2008. godinu sa Programom rada za 2008. godinu

Komisija za vrijednosne papire Federacije Bosne i Hercegovine je dostavila Parlamentu Federacije na potvrđivanje Finansijski plan Komisije za vrijednosne papire Federacije BiH za 2008. godinu sa Programom rada za 2008. godinu.

Predstavnički dom je na nastavku 11. sjednice od 8. 4. 2008. godine potvrdio ovaj Plan.

Plan su razmatrala nadležna radna tijela, koja su dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno potvrdio Finansijski plan Komisije za vrijednosne papire Federacije BiH za 2008. godinu sa Programom rada za 2008. godinu

Sjednica je završena u 10.44.

* * *

Transkript sa sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆI

Stjepan Krešić